



TOSHKENT DAVLAT YURIDIK UNIVERSITETI REKTORINING B U Y R U G ' I

15.11.2023

686-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va ichki tartib qoidalarini buzish holatlari kuzatilmoqda.

Xususan, 2023-yil 19-oktabr kuni 1-bino 208-xonada Jinoyat-protsessual huquqi kafedrası dotsent v.b., B.Xudaybergenov tomonidan olib borilgan dars mashg'uloti davomida Jinoiy odil sudlov fakulteti 4-kurs talabalari Erkinov Bobojon Baxtiyor o'g'li, Xotambekov Ulug'bek Akmalbek o'g'li, Yaqubov Askarbek Davlatyor o'g'li birgalikda uyali aloqa vositasidan foydalanib turli videolar ko'rib o'tirishgan.

Ushbu holat yuzasidan ma'ruzachi B.Xudaybergenov talaba B.Erkinovga tartib-qoidaga rioya qilishini, dars vaqtida telefon apparatidan foydalanmasligini aytib tanbeh bergan.

Shundan so'ng talabalar Erkinov Bobojon Baxtiyor o'g'li, Xotambekov Ulug'bek Akmalbek o'g'li, Yaqubov Askarbek Davlatyor o'g'li o'zaro bir-birlariga haqoratli so'zlar aytib dars mashg'uloti davomida boshqa talabalarga xalaqit berishgan.

Ushbu holatdan so'ng 4-kurs talabasi Raxmatov Abulsho Azamat o'g'li talabalar B.Erkinov, U.Xotambekov va A.Yaqubovlarga dars mashg'ulotiga xalaqit berishayotganligi, dars davomida haqoratli so'zlarni aytmasdan tartib-qoidaga rioya qilib o'tirishlarini so'ragan vaqtda talaba B.Erkinov talaba A.Raxmatovni universitet 2-binosining orqa tomoniga olib o'tib uni turli so'zlar bilan haqorat qilib yuz va qorin qismiga bir necha marotaba urib tan jarohati yetkazgan.

Talaba B.Erkinov o'zining yuqoridagi xatti-harakatlari bilan TDYU Odob-axloq kodeksi 15-moddasi ikkinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan universitet haqida yuksak

ijobiy taassurot uyg'otish); 17-moddasi birinchi qismi uchinchi xatboshisi (tinchlik va osoyishtalikka qarshi tajovuz qilish, janjallashish); 18-moddasi ikkinchi qismi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, ...qo'pollik, behayo so'zlar ishlatish, mushtlashish qat'iyman etiladi); 26-moddasi ikkinchi qismi uchinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish)da ko'rsatib o'tilgan qoidalarni qo'pol ravishda buzgan.

Talabalar U.Xotambekov va A.Yaqubov o'zlarining yuqoridagi xatti-harakatlari bilan TDYU Odob-axloq kodeksi 15-moddasi ikkinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan universitet haqida yuksak ijobiy taassurot uyg'otish); 18-moddasi ikkinchi qismi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, ...qo'pollik, behayo so'zlar ishlatish qat'iyman etiladi); 26-moddasi ikkinchi qismi uchinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish)da ko'rsatib o'tilgan qoidalarni qo'pol ravishda buzishgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2023-yil 31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda universitet Odob-axloq komissiyasi yig'ilishining 2023-yil 24-oktabrdagi 33-son xulosasiga muvofiq,

B U Y U R A M A N:

1. Jinoiy odil sudlov fakulteti 4-kurs talabasi Erkinov Bobojon Baxtiyor o'g'liga universitet Odob-axloq kodeksining 15-moddasi ikkinchi xatboshisi, 17-moddasi birinchi qismi uchinchi xatboshisi, 18-moddasi ikkinchi qismi, 26-moddasi ikkinchi qismi uchinchi xatboshisi talablarini buzganligi uchun hayfsan e'lon qilinsin.

2. Jinoiy odil sudlov fakulteti 4-kurs talabalari Xotambekov Ulug'bek Akmalbek o'g'li, Yaqubov Askarbek Davlatyor o'g'liga universitet Odob-axloq kodeksining 15-moddasi ikkinchi xatboshisi, 18-moddasi ikkinchi qismi, 26-moddasi ikkinchi qismi uchinchi xatboshisi talablarini buzganligi uchun hayfsan e'lon qilinsin.

3. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarining shaxsini sir saqlagan holda universitet talabalarini tanishtirsin.

4. Jinoiy odil sudlov fakulteti dekani (D.Kamalova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

5. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Direktor

SH.PO'LOTOV



Katta yuriskonsult

A.TURSUNOV

